

PANDUAN PENYERTAAN MAJLIS PERSADA INOVASI PERKHIDMATAN AWAM PERINGKAT PEJABAT SETIAUSAHA KERAJAAN DAN PEJABAT DAERAH & TANAH PAHANG 2018

PENGENALAN

Majlis Persada Inovasi Perkhidmatan Awam Peringkat Pejabat Setiausaha Kerajaan dan Pejabat Daerah & Tanah Pahang 2018 atau MPIPA SUK-PDT Pahang 2018 (dulu dikenali sebagai Mini KIK) diadakan bertujuan sebagai satu usaha untuk meningkatkan penyertaan anggota perkhidmatan awam dalam aktiviti penambahbaikan bagi meningkatkan kualiti dan produktiviti Jabatan/Agensi Kerajaan. Penganjuran MPIPA SUK-PDT Pahang 2018 dilihat dapat merubah dan memperkenalkan cara kerja baharu yang lebih cekap dan berkesan serta menghasilkan output dan outcome yang lebih baik.

Penganjuran MPIPA SUK-PDT Pahang 2018 diharap dapat menjadikan KIK sebagai satu budaya bagi menghasilkan penambahbaikan di bawah Pentadbiran Setiausaha Kerajaan Pahang dan Pejabat Daerah dan Tanah.

OBJEKTIF

- i. Menggalakkan Pentadbiran Setiausaha Kerajaan Pahang dan Pejabat Daerah dan Tanah untuk terus membudayakan kreativiti dan inovasi dalam melaksanakan proses kerja bagi meningkatkan kecekapan;
- ii. Memberi pendedahan kepada Jabatan mengenai pelaksanaan Horizon Baharu KIK;
- iii. Sebagai persediaan bagi menghadapi Konvensyen KIK peringkat Kebangsaan.

**PANDUAN PENYERTAAN MAJLIS PERSADA INOVASI PERKHIDMATAN
AWAM PERINGKAT PEJABAT SETIAUSAHA KERAJAAN DAN PEJABAT
DAERAH & TANAH PAHANG 2018**

SYARAT UMUM:

1. Penyertaan adalah dibuka kepada kumpulan KIK daripada Pejabat Setiausaha Kerajaan Pahang dan Pejabat Daerah dan Tanah.
2. Setiap kumpulan dibenarkan menghantar satu (1) penyertaan sama ada projek **KIK Primer** dalam bidang Inovasi Sosial (kategori Penciptaan atau Penambahbaikan) atau dalam bidang Inovasi Penyampaian Perkhidmatan (kategori Penciptaan atau Penambahbaikan); atau projek **KIK Hibrid**.
3. Penetapan bidang dan kategori inovasi adalah berdasarkan jenis projek KIK yang dilaksanakan. Penganjur berhak menukar kategori penyertaan berdasarkan kesesuaian projek.
4. Peringkat saringan awal melalui penilaian dokumen akan diadakan dan akan dinilai oleh panel profesional yang dilantik (sekiranya perlu).
5. Kumpulan yang mengambil bahagian merupakan kumpulan yang telah mempersembahkan projek mereka kepada pihak pengurusan di Jabatan masing-masing pada tahun 2017/2018.
6. Projek pasukan KIK yang ingin menyertai MPIPA SUK-PDT Pahang 2018 mestilah projek semasa tahun 2017/2018.
7. Projek KIK tersebut hendaklah belum pernah dipersembahkan oleh kumpulan dalam mana-mana konvensyen peringkat Wilayah Persekutuan/ Negeri/ Kebangsaan pada tahun-tahun sebelumnya. Projek kumpulan mestilah telah selesai dilaksanakan sebelum konvensyen pada tahun semasa.
8. Semua Ketua Kumpulan perlulah mendaftar permohonan dengan mengisi borang penyertaan secara atas talian melalui alamat URL <http://pikir.pahang.gov.my> bermula **pada 03 September 2018 (Isnin) dan tarikh tutup penyertaan ialah pada 09 November 2018 (Jumaat)**.
9. Minimum bilangan ahli bagi setiap pasukan KIK Primer yang mengambil bahagian dalam MPIPA SUK-PDT Pahang 2018 adalah **dua (2) orang tetapi tidak melebihi sepuluh (10) orang** daripada jabatan sama yang bekerjasama untuk melaksanakan projek KIK. Keahlian KIK terbuka kepada semua anggota jabatan terbabit.
10. Kriteria dan wajaran penilaian projek adalah seperti di **Lampiran B**.

11. Urus Setia berhak menerima atau menolak penyertaan daripada mana-mana kumpulan KIK berdasarkan syarat yang telah ditetapkan dan juga di atas kuasa pertimbangan (sekiranya perlu). Keputusan pemilihan kumpulan-kumpulan untuk menyertai pertandingan oleh pihak urus setia adalah muktamad.
12. Urus Setia MPIPA SUK-PDT Pahang 2018 berhak untuk membuat sebarang pindaan terhadap mana-mana bahagian pada syarat-syarat penyertaan ini pada bila-bila masa tanpa perlu merujuk kepada peserta.

PANDUAN PENYEDIAAN DOKUMENTASI PROJEK MPIPA SUK-PDT PAHANG 2018

RINGKASAN EKSEKUTIF

(300 – 500 patah perkataan / 1 hingga 2 muka surat)

Ringkasan Eksekutif perlu ditulis dengan ringkas (bahasa yang mudah difahami) dan padat berdasarkan penulisan penuh dokumentasi projek, pernyataan masalah atau subjek serta nyatakan solusi atau pencapaian dengan penjelasan keberhasilan (outcome) serta impak projek. Penggunaan grafik, butiran poin berserta maklumat yang ringkas dan tajuk kecil bagi menyusun tema ringkasan boleh digunakan bagi memudahkan kefahaman.

PERINCIAN PROJEK

(3000 – 5000 patah perkataan / 10 hingga 15 muka surat)

1. Signifikan Pemilihan Projek.

Nyatakan justifikasi pemilihan projek dengan ringkas dan padat dengan merujuk kepada perkaitan dengan fungsi jabatan, memenuhi kehendak pelanggan & stakeholder dan kaitan dengan agenda nasional.

Pembuktian melalui analisis (bagi tujuan penyelesaian) – Gunakan tools sebagai pemudah untuk kumpulan memilih projek.

Perhatian hendaklah kepada 5 kriteria projek KIK iaitu:

- (a) Kreatif dan Inovatif.
- (b) Impak positif yang tinggi dan menyeluruh.
- (c) Pulangan Nilai Terbaik.
- (d) Replikasi.
- (e) Pengkomersialan.

Penggunaan grafik, butiran *poin* berserta maklumat yang ringkas dan tajuk kecil boleh digunakan bagi memudahkan kefahaman.

2. Tindakan Penyelesaian dan Pembuktian.

Nyatakan dengan ringkas dan padat mengenai strategi dan proses penyelesaian iaitu :

- a) Strategi pelaksanaan termasuk aplikasi penggunaan tools.
- b) Pernyataan output dan sasaran outcome.

- c) Penghasilan dan pelaksanaan projek yang unik dan berimpak tinggi.
- d) Tempoh penghasilan projek.

Perakuan daripada pihak bertauliah / berkuasa dan pembuktian melalui perolehan data.

Pembuktian ditunjukkan dalam bentuk ringkasan rajah /diagram /gambar /lampiran.

3. Keberhasilan Projek – *Outcome / Impak* projek dan Pembuktian.

Nyatakan Pencapaian outcome, strategi pelaksanaan, faedah sampingan dan pembuktian melalui data dan sumber rasmi.

Pembuktian ditunjukkan dalam bentuk ringkasan rajah /diagram /gambar /lampiran.

4. Potensi Pengembangan Projek.

Nyatakan tahap ketersediaan teknologi / sistem / proses dan tahap replikasi atau pengkomersialan projek.

Pembuktian ditunjukkan dalam bentuk ringkasan rajah /diagram /gambar /lampiran.

5. Penutup

6. Lampiran

Pendaftaran boleh dibuat dengan mengisi borang penyertaan secara atas talian melalui alamat URL <http://pikir.pahang.gov.my> bermula **pada 03 September 2018 (Isnin) dan tarikh tutup penyertaan ialah pada 09 November 2017 (Jumaat).**

Untuk maklumat dan keterangan lanjut mengenai Majlis Persada Inovasi Perkhidmatan Awam Peringkat Pejabat Setiausaha dan Pejabat Daerah & Tanah Pahang 2018

sila hubungi pihak urus setia berikut:

- (i) **Encik Mohd Suzairi bin Mohd Shafi'i**
Emel : mohd.suzairi@pahang.gov.my
No. Tel : 09-5139 440

- (ii) **Encik Hadi bin Ismail**
Emel : hadi.ismail@pahang.gov.my
No. Tel : 09-5161 345

- (iii) **Encik Ahmad Sharizal bin Abdul Malik**
Emel : ahmad.sharizal@pahang.gov.my
No Tel : 09-5163403

Seksyen Kualiti dan Inovasi
Unit Korporat
Aras Bawah, Blok C
Wisma Sri Pahang
25253 Kuantan
No Tel : 09-5157449
No Faks : 09-5157448
Emel : sukkorporat@pahang.gov.my

**KRITERIA DAN WAJARAN PENILAIAN PROJEK MAJLIS PERSADA
INOVASI PERKHIDMATAN AWAM PERINGKAT
PEJABAT SETIAUSAHA KERAJAAN DAN PEJABAT DAERAH & TANAH
PAHANG 2018**

BIL	PERKARA	WAJARAN
(a)	Penglibatan Pihak Pengurusan	4%
(b)	Signifikasi Projek dan Pembuktian	10%
(c)	Tindakan Penyelesaian	23%
(d)	Outcome Projek dan Pembuktian	35%
(e)	Impak projek dan pembuktian	18%
(f)	Potensi Pengembangan Inovasi	10%